



**Minneapolis Lub Tuam Tsev Hauj Lwm  
Ntsig Txog Tub Ceev Xwm  
Phau Ntawv Qhia Siv Txoj Cai thiab Txheej  
Txheem**

Nab Npawb:  
5-300

**Xuv Tsib – Tsab Cai Hais Txog Kev Coj thiab Kev Siv Dag Zog**

**Kev Siv Dag Zog**

**5-312 Txoj Hauv Kev Xaiv Tswj- Cov Phom**

(xx/xx/23)

Kev hloov kho cov cai ua ntej: (10/16/02) (08/17/07) (04/30/15) (04/05/16) (09/08/20)  
(12/22/20) (04/04/21) (01/01/23)

**I. Lub Hom Phiaj**

Lub hom phiaj ntawm txoj cai no yog los nthuav dav cov cai teeb tseg ntawm lwm cov cai kev siv dag zog, tshwj xeeb tshaj yog tau cuam tshuam rau cov phom.

**II. Cov Ntsiab Lus Txhais**

**Cov lus uas muaj ntsiab lus nyob rau hauv P&P 5-304:**

- Nqa
- Xa
- Tso Tawm
- Qhia Tawm
- Muaj Kev Koom Rog Tus Neeg Phem
- Taw Tes
- Siv

**III. Txoj Cai**

**A. Txoj Cai thiab Cov Kev Cai Kev Taw Qhia**

Dhau ntawm cov yam tshwj xeeb nyob rau hauv txoj cai no, cov neeg ua hauj lwm yuav ua raws li cov cai teeb tseg ntawm txhua lwm txoj cai uas siv tau, uas suav nrog tab sis tsis tag rau, Cov Kev Cai Kev Taw Qhia thiab lwm cov qauv cai nyob rau hauv P&P 5-301.

**B. Kev Ua Raug Raws Li Txoj Cai thiab Kev Cob Qhia**

Cov tub ceev xwm tsuas siv cov phom nyob rau tus yam ntxwv uas tsis muaj kev ntxub ntxaug, thiab tsuas siv thaum qhov kev siv dag zog uas hais los ntawd muaj zoo laj thawj uas muaj kev ncaj ncees thiab raug raws li MPD li kev cob qhia tam sim no thiab MPD cov cai uas kav tswj kev siv dag zog (suav nrog txhua tshooj nyob rau hauv P&P 5-300).

### C. Cov Yam Ntxwv Rau Kev Siv

#### 1. Kev tua phom- thaum tau txais kev tso cai

Tej zaum MPD tus neeg ua hauj lwm uas tau cog lus yuav tua rab phom uas raug raws cai lij choj raws li txoj cai nyob rau hauv cov xwm txheej txuas mus no:

- a. Nyob rau hauv cov xwm txheej kev siv dag zog uas muaj kev phom sij txog txoj sia, uas ua raws li txoj cai Kev Siv Dag Zog uas muaj kev coj nruj (P&P 5-301), thiab thaum tsim nyob heev yuav tau siv nkaus xwb. Kev siv phom yuav tsis xam tias yog hauj lwm raws li ib txwm thiab tsuas tau txais kev tso cai thaum lwm txoj hauv kev siv tsis tau lawm xwb, yuav siv tsis tau los sis tsis muaj kev nyab xeeb uas yuav sim (saib raws li tshooj nyob rau hauv P&P 5-301 uas hais tias Kev Siv Dag Zog Yam Uas Muaj Zoo Laj Thawj Uas Muaj Kev Ncaj Ncees Uas Raug Raws Li Txoj Cai, Kev Cai Lij Choj thiab Kev Cob Qhia).
- b. Txhawm rau tua tus tsiaj uas muaj kev phom sij, los sis tus uas chaw kho mob tib neeg xav kom muab tshem tawm kom txhob muaj kev tsim txom ntxiv thiab lwm txoj hauv kev tshem tawm siv tsis tau.
- c. Txhawm rau koom nrog qhov kev cob qhia uas tau txais kev tso cai.
- d. Txhawm rau koom nrog tej qhov kev sib tw uas tau txais kev tso cai los sis kev ua kis las uas raug raws cai lij choj.

#### 2. Kev tua phom- thaum raug txwv

Cov tub ceev xwm yuav tsis tua cov phom nyob rau cov xwm txheej txuas mus no:

- a. Tam li ua kev ceeb toom los sis ua kom muaj kev ceev faj.
- b. Rau cov neeg uas tsuas muaj kev phom sij rau lawv tus kheej xwb.
- c. Txhawm rau pov thaiv vaj tsev nkaus xwb.

#### 3. Kev tua nyob rau hauv los sis los ntawm cov tsheb.

- a. Thaum cov tsheb tseem khiav.

Yuav tsis tua cov phom nyob rau thaum uas cov tsheb tseem khiav los sis cov tsheb tseem mus, tshwj tsis yog ib qho ntawm cov kev zam txuas mus no siv tau:

- i. Kev tso hem thawj siv dag zog uas muaj kev phom sij txog txoj sia uas tab tom yuav tshwm sim uas tsis yog tsheb
  - Tus tub ceev xwm los sis lwm tus neeg tab tom raug tso hem thawj uas yuav raug kev siv dag zog uas muaj kev phom sij txog txoj sia los ntawm tus neeg uas tsav lub tsheb tab tom khiav, *thiab*

- Qhov kev tso hem thawj los ntawm lwm txoj hauv kev uas tsis yog lub tsheb tab tom khiav, *thiab*
- Tus tub ceev xwm ntseeg tias tsis muaj lwm txoj hauv kev uas yuav los zam tau qhov kev tso hem thawj uas tab tom yuav tshwm sim.

ii. Kev siv tsheb nrau

Nyob rau xwm txheej loj ntawm qhov 'kev siv tsheb nrau' uas lub tsheb raug siv ua qhov riam phom tso rau tus tib neeg txhawm rau tsim kev phom sij loj rau lub cev los sis ua kom tuag.

iii. Tus tub ceev xwm daig nyob rau hauv txoj kev tsheb

aa. Nyob rau xwm txheej loj thaum uas tus tub ceev xwm daig nyob rau hauv txoj kev tsheb, qhov kev zaum no *tej zaum* yuav siv tau yog tias muaj cov yam ntxwv txuas mus no:

- Tus tub ceev xwm tsis muaj lwm txoj hauv kev khiav tawm, *thiab*
- Tus tub ceev xwm ntseeg tias tsis muaj lwm txoj hauv kev uas yuav los zam tau qhov kev tso hem thawj, *thiab*
- Tus tub ceev xwm tsis tuaj yeem tawm tau lus txib los sis tus neeg tsav tsheb tsis quav ntsej txog qhov lus txib kom nres tsheb.

ab. Cov tub ceev xwm yuav tau ua zoo saib rau lawv qhov chaw nyob thiab zam kev muab lawv tus kheej tso rau hauv txoj kev tsheb thaum ua tau. Yog tias cov tub ceev xwm pom tias lawv tus kheej nyob rau hauv txoj kev tsheb lawm, ces lawv yuav tau ua zoo txav tawm ntawm txoj kev tsheb kom muaj kev nyab xeeb dhau ntawm kev tua rab phom rau lub tsheb los sis tej tus neeg cajib nyob rau hauv lub tsheb.

ac. Lub tsheb uas tab tom khiav yuav tias xam tias yog qhov kev tso hem thawj uas muaj zoo laj thawj rau tus tub ceev xwm siv dag zog uas muaj kev phom sij txog txoj sia.

b. Los ntawm lub tsheb tseem khiav

Yuav tias muaj kev tua cov phom los ntawm lub tseb uas tseem tab tom khiav tshwj tias yog:

- Tus tub ceev xwm los sis lwm tus neeg tab tom raug tso hem thawj uas yuav raug kev siv dag zog uas muaj kev phom sij txog txoj sia los ntawm lwm tus neeg, *thiab*
- Qhov kev tso hem thawj los ntawm lwm txoj hauv kev uas dhau ntawm lub tsheb tab tom khiav, *thiab*
- Tus tub ceev xwm ntseeg tias tsis muaj lwm txoj hauv kev uas yuav los zam tau qhov kev tso hem thawj.

## c. Cov kev ua kom lub tsheb nres

Cov kev txwv no suav nrog kev ua kom lub tsheb nres los ntawm kev tua phom mus rau lub tsheb.

## d. Cov yuav tau ua tib zoo saib nyob rau hauv cov kev txwv no:

- i. Tej zaum lub tsheb yuav muaj neeg caij coob ntxiv thiab tej zaum nws yuav tsis paub tseeb tias muaj neeg caij coob npaum li cas.
- ii. Cov mos txwv uas tua rau lub tsheb uas tab tom khiav yuav cheem tsis tau lub tsheb kiag tam sim ntawd los sis ua kom tau lub tsheb nres.
- iii. Cov mos txwv uas tua rau hauv los sis los ntawm lub tsheb uas tab tom khiav muaj feem siab heev uas yuav plam lub hom phiaj uas tau teeb tseg los sis lub mos txwv yuav npleem thiab muaj feem raug lwm cov tub ceev xwm los sis lwm cov neeg uas dawb huv, uas suav nrog cov neeg caij tsheb nyob rau hauv lub tsheb.
- iv. Cov mos txwv uas tua rau lub tsheb uas tab tom khiav tej zaum yuav ua tsis tau kom lub tsheb nres los sis yuav tsim ua rau tsis muaj kev yooj yim rau tus neeg tsav, uas yuav tsim ua rau lub tsheb sib nraus thiab muaj feem raug lwm cov tub ceev xwm los sis lwm cov neeg uas dawb huv, uas suav nrog cov neeg caij tsheb nyob rau hauv lub tsheb.
- v. Nyob rau xwm txheej feem ntau, cov kev pheej hmoo uas hais los ntawd yuav muaj los ntawm kev tua phom rau los sis los ntawm lub tsheb uas tab tom khiav.

## 4. Kev tua phom rau tus neeg uas tab tom khiav tawm

Cov tub ceev xwm yuav tsis tua phom rau tus neeg uas tab tom khiav tawm ntawm tub ceev tshwj tsis yog tiv qhaiv qhov kev tso hem thawj uas muaj kev phom sij txog txoj sia uas yuav tshwm sim los sis muaj kev phom sij loj rau lub cev ntawm tus tub ceev xwm los sis lwm tus neeg.

## 5. Kev thau phom los sis kev taw phom

- a. Vim cov phom yog hom phom uas muaj kev phom sij txog txoj sia los sis tuag tau, cov tub ceev xwm thiaj tsuas thau los sis taw rab phom xwb yog tias lawv ntseeg tias muaj zoo laj thawj uas qhov xwm txheej yuav tsim ua rau muaj kev tso hem thawj uas muaj kev phom sij txog qhov taug taus uas tab tom yuav tshwm sim ntxiv los sis muaj kev phom sij loj rau lub cev ntawm tus tub ceev xwm los sis lwm tus neeg.
- b. Kev thau phom los sis kev nthuav tawm phom uas tsis muaj kev tsim nyog los sis ua ntej txog sij hawm tej zaum yuav muaj ciam txwv rau tub cev xwm cov hauv kev xaiv uas tswj qhov xwm txheej thiab tej zaum yuav tab kaum los sis muaj ciam txwv rau kev sib txuas lus ncu ntawm tus tub nceev xwm thiab tus neeg phem.

**D. Kev Nqa Riam Phom Uas Muaj Kev Phom Sij Rau Txoj Sia Tsawg**

Thaum uas ua lub luag hauj lwm los sis thaum uas tau koom nrog txoj hauj lwm nyob sab nrauv lub luag hauj lwm, cov tub ceev xwm uas hnav cev khaub ncaws tub ceev xwm uas yuav tsum tau nqa phom yuav tau nqa yam tsawg kawg ib rab phom uas muaj kev phom sij rau txoj sia tsawg nrog lawv (P&P 5-301 thiab P&P 5-301).

**E. Kev Kho Mob thiab Kev Pab Fab Kev Kho Mob**

Cov tub ceev xwm yuav muab kev kho mob rau tej tus neeg uas raug tua, saib raws li P&P 5-301 thiab P&P 7-350.

**F. Kev Ceeb Toom Txog Cov Kev Tua Phom**

## 1. Tus neeg ua hauj lwm lub luag hauj lwm

Tej tus neeg uas tua phom, tsis hais yuav nyob rau hauv los sis sab nrauv lub luag hauj lwm los xij, yuav tau txuas lus ncaj nraim nrog rau lawv tus thawj coj saib xyuas kev ua hauj lwm tam sim ntawd los sis Tus Thawj Coj Saib Xyuas Ntawm Lub Chaw Zov ntawm lub luag hauj lwm thiab lub chaw kav tswj hauv zos kom sai li sai tau **tshwj tsis yog:**

- Thaum nyob rau hauv cheeb tsam lub hom phiaj uas tau teeb tseg.
- Thaum tab tom ua cov kev sim mos txwv uas tau txais kev tso cai.
- Thaum tau koom nrog cov kev ua ub ua no uas muaj kev lees paub raws cai thaum tsis nyob rau hauv lub luag hauj lwm.

## 2. Tus thawj coj saib xyuas hauj lwm lub luag hauj lwm

- a. Tus thawj coj saib xyuas hauj lwm yuav teb rau tej qhov xwm txheej uas tus neeg ua hauj lwm tau tua rab phom thaum nyob rau hauv lub luag hauj lwm los sis thaum ua lub luag hauj lwm.
- b. Tus thawj coj saib xyuas hauj lwm muaj lub luag hauj lwm ceeb toom rau Tus Thawj Coj Saib Xyuas Ntawm Lub Chaw Zov thiab thaum phim, tus neeg ua hauj lwm Tus Lwm Thawj Coj thiab tus neeg tshawb xyuas Kev Tua Neeg uas nyob rau lub luag hauj lwm. Qhov no tsis suav nrog rau kev tua rab phom yam uas yog txhob txwm tua tus tsiaj, tshwj tsis yog nws yuav tsim kev raug mob rau tib neeg.
- c. Cov kev ceeb toom rau lub chaw hauj lwm ntsig txog Hauj Lwm Sab Hauv yuav tau ua raws li txoj cai Lub Luag Hauj Lwm Tshaj Tawm (P&P 2-101).
- d. Tus neeg saib xyuas hauj lwm uas tau txais kev qhia yuav ua kom ntseeg siab tias kev siv tshuaj thiab cawv yog tau ua raws li P&P 3-1000 Kev Sim Tshuaj thiab Cawv lawm.

- e. Nyob rau hauv tej qhov xwm txheej kev tua phom uas tau cuam tshuam rau tub ceev xwm, yog yuav tau ua raws li Txoj Cai Xwm Txheej Tseem Ceeb (P&P 7-810).

3. Kev tshaj tawm cov kev tua phom mus rau Xeev

Tsab Cai MN tshooj 626.553 teeb tseg tias Tus Thawj Tub Ceev Xwm yuav tsum tshaj tawm mus rau Xeev Tus Thawj Coj Saib Xyuas Zej Tsoom Li Kev Nyab Xeeb thaum twg los xij uas tub ceev xwm saib xyuas kev thaj yeeb tua rab phom thaum ua lub luag hauj lwm, dhau ntawm cov hom phiaj kev cob qhia los sis thaum tua tus tsiaj uas yuav tsim ua rau muaj mob, raug mob los sis muaj kev phom sij. Daim ntawv sau ceeb toom txog qhov xwm txheej yuav tsum xa kom tsis pub dhau 30 hnuv tom qab qhov xwm txheej. Daim ntawv ceeb toom yuav tsum muaj cov ntaub ntawv uas cuam tshuam txog lub laj thawj rau los sis cov xwm txheej ib ncig ntawm kev tua rab phom. Tus thawj coj saib xyuas hauj lwm ntawm lub chaw hauj lwm ntsig txog Cov Hauj Lwm Sab Hauv yuav muaj lub luag hauj lwm xa daim(cov) foos uas yuav tsum tau muaj nrog rau Xeev Lub Chaw Ua Hauj Lwm Txog Kev Ntes Neeg Txaum Cai Tua Neeg.

#### **G. Cov Ntawv Sau Tshaj Tawm Uas Yuav Tsum Tau Muaj**

1. Tus neeg ua hauj lwm txhua cov kev tua phom uas yuav tsum tau ceeb toom, dhau ntawm Cov Xwm Txheej Tseem Ceeb, yuav raug tshaj tawm nyob rau hauv daim ntawv tshaj tawm PIMS, uas suav nrog Cov Ntawv Piav Qhia, los ntawm tus neeg ua hauj lwm uas tau cuam tshuam thiab tus thawj coj saib xyuas hauj lwm uas tau txais kev ceeb toom. Daim ntawv tshaj tawm yog yuav tsum muaj npe tias "DISWEAP."
2. Tus neeg ua hauj lwm yuav tsum ua kom tiav daim ntawv Tshaj Tawm Kev Siv Dag Zog uas saib raws li P&P 5-302 thiab tus thawj coj saib xyuas hauj lwm yuav tau ua kom tiav Qhov Kev Tshab Xyuas Kev Siv Dag Zog Ntawm Tus Thawj Coj Saib Xyuas Hauj Lwm uas saib raws li P&P 5-303.
3. Tus Thawj Coj Saib Xyuas Ntawm Lub Chaw Zov yuav sau txhua tus nab npawb xwm txheej rau hauv Tus Thawj Coj Saib Xyuas Ntawm Lub Chaw Zov daim ntawv sau tseg.